

146

3. gr.

16. okt. Reglur þessar eru settar með hliðsjón af 38. gr. laga nr. 48/1946, sbr. 5. gr. reglugerðar nr. 92/1956, og gilda frá 1. september 1961.

*Menntamálaráðuneytið, 16. október 1961.*

**Gylfi P. Gíslason.**

*Birgir Thorlacius*

147

16. okt.

## REGLUGERÐ

um breyting á reglugerð nr. 273 30. desember 1950 varðandi gerð lyfseðla og afgreiðslu lyfja.

1. gr.

Við VIII. kafla reglugerðarinnar komi ný grein, 26. gr. A, svohljóðandi:  
Öll fúkalyf, sem ætluð eru til notkunar í jógur á kúm, skulu árituð með svo-  
felldum aðvörunarorðum með bláum bókstöfum á hvítum grunni: Eftir notkun  
þessa lyfs er mjólkinn óhæf til manneldis í næstu fjóra sólarhringa.

2. gr.

Í stað orðanna „Súlfónamíð- eða pensilinsmyrslí“ í XVI. kafla 40. gr. 1-lið reglugerðarinnar komi orðið „súlfónamíðsmyrslí“.

3. gr.

Reglugerð þessi öðlast þegar gildi.

Reglugerð þessi birtist hér með til eftirbreytni öllum þeim, er hlut eiga að máli.

*Dóms- og kirkjumálaráðuneytið, 16. október 1961.*

**Jóhann Hafstein.**

*Baldur Möller.*

148

24. okt.

## REGLUGERÐ

fyrir vatnsveitu Vestmannaeyja.

1. gr.

Reglugerð þessi gildir fyrir alla Heimaey.

2. gr.

Bæjarráð Vestmannaeyja fer með stjórn vatnsveitunnar, sem er eign Vestmannaeyjakaupstaðar. Bæjarverkfræðingur Vestmannaeyja annast daglegan rekstur vatnsveitunnar.

3. gr.

Vatnsveita Vestmannaeyja hefur einkasölu á vatni á svæði því, sem vatnsveitan nær yfir og hún getur fullnægt, svo og til hafnarinnar.

## 4. gr.

Vatnsveitan sér um vatnsöflun og lætur leggja vantsleiðslur um bæinn eftir framleiðslugetu á hverjum tíma. 24. okt.

148

## 5. gr.

Fiskverkunarstöðvar eiga forgangsrétt á því að fá vatnsæðar tengdar frá vatnsveitunni. Tenging vatnsæða til annarra þarfa verður leyfð, eftir því sem öflun og framleiðsla vatns leyfir, að dómi bæjarráðs á hverjum tíma.

## 6. gr.

Vatnsveitan selur neyzluvatn til íbúðarhúsa frá vatnsveitu og vatnsbólum, sem hún ræður yfir, til flutnings á bifreiðum eða á annan hátt. Í þurrkatið skulu þeir, sem óska eftir því að fá vatn til heimilisnotkunar, eiga forgangsrétt á öllu vatni.

## 7. gr.

Vatnsveitan skal á eigin kostnað koma fyrir brunahönum í samráði við slökkviliðsstjóra. Engum er heimilt að taka vatn úr brunahönum, nema með samþykki vatnsveitunnar.

## 8. gr.

Sá, sem óskar eftir að fá vatnsæð tengda að húsi sínu frá vatnsveitunni, skal senda skriflega umsókn um það til vatnsveitunnar. Í umsókninni skal þess getið, til hvers vatnið skal notað og hversu mikil vatnsnotkun er áætluð. Vatnsveitan leggur leiðslu frá götuæð til þess hluta byggingarinnar, sem næst er götuæð, og setur upp vatnsmæli á vegg eins nálægt inntaki og mögulegt er. Ef húseigandi óskar að fá inntak á öðrum stað, skal hann greiða allan aukakostnað við lagningu leiðslunnar. Vatnsveitan hefur einkarétt á vatnsæðum og leiðslum að þeim.

## 9. gr.

Eftirlitsmenn vatnsveitunnar skulu hafa frjálsan aðgang að öllum vatnslögnum innanhúss, og skulu húseigendur gefa allar upplýsingar um vatnsnotkun, sem óskað er eftir.

## 10. gr.

Vatnsveitan hefur rétt til þess að takmarka vatnsnotkun eins og þurfa þykir á hverjum tíma.

## 11. gr.

Vatnsveitan ber ekki fjárhagslega ábyrgð á tjóni því, sem leiða kann af rekstrartruflunum, takmörkunum á vatnsnotkun eða af öðrum ástæðum.

Ef eldsvoða ber að höndum, hafa slökkvilið og starfsmenn vatnsveitunnar heimild til þess að gera hverjar þær ráðstafanir, sem nauðsynlegar teljast, hvort heldur er á vatnsæðum í einkaeign eða eign vatnsveitunnar.

## 12. gr.

Að lokinni uppsetningu vatnsmælis, skal húseigandi greiða inntaksgjöld. Allt vatn skal selt samkvæmt mæli og við því verði, sem bæjarráð Vestmannaeyja ákveður á hverjum tíma. Af vatnsmælum skal lesa mánaðarlega og innheimta gjald samkvæmt aflestri. Einnig skal mánaðarlega innheimta mælaleigu. Gjöldin falla í gjalddaga við aflestur.

## 13. gr.

Séu gjöldin ekki greidd innan mánaðar frá aflestri, skal umsvifalaust loka fyrir vatnsinntak. Áður en opnað verður aftur, skal húseigandi greiða opnunar gjald. Húseigandi ber ábyrgð á greiðslu gjalda til vatnsveitunnar, og eru gjöldin

**148** tryggð með lögveði í viðkomandi eign og ganga fyrir hvers konar samningsveði 24. okt. og aðfararveði. Gjöldin má einnig taka lögtaki.

14. gr.

Ef maður rýfur innsigli vatnsmælis, varðar það hegningu samkvæmt almennum hegningarlögum. Ef upplýst verður, að tengt hefur verið fram hjá vatnsmæli, þannig að ekki mælist öll notkun, skal tafarlaust lokað fyrir vatnsinntak. Vatnsveitan skal áætla, hversu mikið vatn hefur runnið fram hjá mælinum og innheimta gjald hjá hinum brotlega samkvæmt því.

Vatnsveitunni er heimilt að stöðva með öllu sölu vatns til þeirra, sem brotlegir hafa orðið samkvæmt þessari málsgrein.

15. gr.

Vatnsæðar skulu þannig tengdar, að eigi sé hætta á, að vatnið í æðunum óhreinist. Óheimilt er að tengja saman æðar vatnsveitunnar og einkavatnsæðar frá öðrum vatnsbólum, nema að einstreymisloki sé settur á leiðslu, sem tryggja, að ekki komist vatn frá einkavatnsbóli inn á vatnsæðar vatnsveitunnar.

16. gr.

Vatnsveitan getur sett nánari reglur um framkvæmd þeirra mála, sem reglugerð þessi fjallar um. Jafnframt getur hún veitt undanþágu frá reglugerðinni, ef hún telur gildar ástæður til þess.

17. gr.

Brot gegn reglugerð þessari varða sektum allt að 10000.00 kr., nema þyngri refsing liggji við samkvæmt öðrum lögum. Með mál út af slíkum brotum skal farið að hætti opinberra mála.

Reglugerð þessi, sem samin er og samþykkt af bæjarstjórn Vestmannaeyjakaupstaðar, staðfestist hér með samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 24. október 1961.*

F. h. r.

**Hjálmar Vilhjálmsson.**

*Hallgrímur Dalberg.*

**149**

24. okt.

**G J A L D S K R Á**

**fyrir vatnsveitu Vestmannaeyja.**

1. gr.

Gjald fyrir vatn, selt gegnum mæli til fiskverkunarstöðva og annarra, sem hafa vatnskerfi sín í sambandi við vatnsæðar vatnsveitunnar, skal vera kr. 15.00 fyrir hvern teningsmetra.

2. gr.

Gjald fyrir vatn, sem tekið er til flutnings á bifreiðum til heimilisnotkunar, skal vera kr. 10.00 fyrir hvern teningsmetra.